

曹永康现身广州

暖心做志愿服务

前段时间,身处广州的香港艺人曹永康约埋可乐君,一起到社区做志愿服务。电视上嘅阿康,忠角、奸角随意切换,演技可圈可点;生活中嘅阿康爱心爆棚、乐善好施,自带暖男体质。跟住Color进一步认识下,屏幕后认真对待每一件事,低调有架子的曹永康吧。

郭玮/文 Color团队、剧照/图



风雨中齐抗疫



上个月初,曹永康趁住工作空挡,同羊城晚报·活动大平台嘅小伙伴一起到广州建设街做志愿服务,为广州抗疫出一份力。曹永康戴着防护面罩、身穿隔离衣,引导大家有序排队、查验亮码情况、协助老人家操作健康码等。咁啱当日天公不作美,时大时细嘅雨水令大家都颇为狼狈,不过,嘅阿康在风雨中,依然一丝不苟地投入服务工作,将每个步骤都谨慎又认真咁完成到位。遇到未完成操作、需要等待嘅人群,阿康仲会好细心咁引导佢靠近雨棚,尽量令大家都可以避免湿身,真係够暖心。完成几个钟头嘅志愿服务工作后,阿康块面都被口罩勒出两条深深印痕,但佢笑称:“虽然我仲后生,不过呢条痕应该都要两日先可以弹翻出嚟。”一句幽默嘅话马上扫除大家一日嘅疲倦。能够服务大众,曹永康觉得好荣幸,同时佢都感慨道:“呢份工作真係唔简单!”

低调做“扫码工”

体验过一次“唔简单”嘅志愿者工作后,阿康嘅爱心之路并冇就此止步。上月中旬,适逢广州开设多次全市大规模核酸检测,需要增调更多志愿者,曹永康又一次同可乐君去做志愿者。今次,阿康就显得驾轻就熟,主动承担扫码工作。“扫码工”嘅工作内容唔复杂,但真係需要足够细心同耐性,要认真核对扫码嘅资料信息,遇到有网络延时、亮码失败嘅市民要耐心协助,安抚大家嘅情绪……阿康做事后同可乐君讲,但真係深深体会到一线工作人员嘅唔容易。曹永康希望,自己作为一个公众人物,通过做志愿者的机会可以为大家树立榜样,令更多人投身到防疫工作中;同时,自己亦係一个普通公民,无论几时都会按要求做好个人防护,一起撑广州。



戏路百变嘅阿康,观众缘真係好! 唔曹永康嘅两次志愿者经历中,都有唔少街坊认出佢,表示睇过佢嘅戏。例如佢係《公公出宫》里面宅心仁厚嘅“陈小凤”,《On Call 36小时》中又cool又专业嘅“钱医生”。前段时间,睇《十八年后的终极告白2.0》里面,阿康饰演咗因爱成魔嘅变态杀手“何大勇”,切换到《痞子殿下》中成熟稳重嘅“霍青山”身上,亦毫无违和感。曹永康係演技上从来冇令大家失望,演奸角唔阵可以奸到出汁,演起善良角色又可可爱到充满粉红泡泡。外貌冻龄嘅阿康,近几年都尝试接触各种新鲜事物,回到内地嘅呢段期间,佢变成咗美食博主,四围试食地道美味,佢话要暂时放轻松身材管理,因为广州嘅美食实在太诱人。


观众缘好到爆棚

胡芳芳

一针一线 绣非遗


《UP在湾区·港见粤闻》带大家食咗几站传统美食,係时候啲啲手、动动脑,学番两手非遗手艺啦! 今期可乐君同歌手胡芳芳一起玩“绣花功夫”,以针为笔、以线为墨,一针一线“绘”出靓丽图案,感受广绣作品在唔同角度、光线下,色彩随之变幻嘅魅力!

郭玮/文 Color团队/图



传承千年好光荣

广绣,係中国四大名绣之一,通常係指广州、佛山、东莞、台山等地嘅刺绣工艺,即係以广州为中心嘅珠江三角洲一带民间刺绣工艺的总称。但起源于唐代,到咗清朝嘅时候,就因为粤剧戏服制作嘅推广,而享誉国内、远销海外。2006年,广绣被列入第一批国家级非物质文化遗产名录中。广东省一级工艺美术大师陈少芳,就係传承广绣嘅代表人物,被誉为“广绣的光荣”。依家佢嘅仔仔谭展鹏同心抱黄敬健都成为咗呢项手艺嘅传承人啦,呢两位亦係今期教芳芳学手艺嘅“师父”。



绣花“功夫”要细心

传承人黄师傅话,第一次接触广绣嘅时候,就被一幅灵动嘅金鱼广绣深深吸引住,上面嘅丝光颜色从唔同角度睇都会别有一番风采。如此内有乾坤嘅绣花“功夫”,原来係需要根据唔同线种,搭配唔同针法,刺绣出来嘅图案就会呈现出唔一样嘅形态。传统广绣用嘅底布,一般係用桑蚕丝制作嘅,触感比较细腻柔软,所以选用嘅针、丝线都需要十分幼细。制作时非常考验制作者嘅眼力,更加需要沉着嘅耐性同细心,再细微嘅偏差都可能导致最终成品呈现效果不尽人意。因此制作者每一次落针,都需要精准定位,就好似传承人对广绣嘅热情一样,用工匠嘅精益求精。芳芳老师嘅指导下,都顺利完成咗自己嘅第一个广绣作品,虽然好花费时间,但收获到满满成就感。

与时俱进花样多

广绣最得人中意嘅特点,就係佢远望嘅时候颜色鲜艳饱满,构图醒目亮眼,细睇就会发现佢繁而不乱,细节精致。传统作品中国画构思,创作素材好多时係源自生活,最多嘅绣花鸟虫草,有时亦会选用镏耳屋、红棉等呢啲具有广府特色嘅事物。人工刺绣花费嘅人力、时间成本比较高,一般会用嘅制作供人鉴赏、收藏嘅高档艺术品。近年来,大众对又靓又传统嘅工艺越发中意同欣赏,为咗让广绣走进千家万户,现在也会用新研发嘅电脑机绣提高制作效率,呢种方式可以批量制作更具实用性嘅日用品,令大家更容易get到呢种靓嘅工艺品。T恤、手袋等等潮流单品,都可以融入广绣元素,刺绣嘅工艺经过改良,又可以创作出更新更嘅图案……传统的艺术能够在不断创新中传承,未来亦会发展得越来越好。



Color提示:

《UP在湾区·港见粤闻》会带大家学非遗、品美食、玩转非遗手艺,如果想知道下次轮到边位大咖带大家搞搞新意思,记得关注我啦!

